

Հավելված 1

ՊԱՅՄԱՆԱԳԻՐ Ներդրումային ծառայությունների մատուցման

ք. Երևան

« _____ » _____ 20--- ք.

«ՀԱՅԷԿՈՆՈՄԲԱՆԿ» ԲԲԸ-ն, այսուհետ՝ Բանկ, ի դեմս -----ի, ով գործում է..... հիման վրա, մի կողմից և -----
-----,

այսուհետ՝ Ներդրող, մյուս կողմից, այսուհետ առանձին Կողմ, միասին Կողմեր, կնքեցին սույն Պայմանագիրը հետևյալի մասին.

1 ՊԱՅՄԱՆԱԳՐԻ ԱՌԱՐԿԱՆ

- 1.1 Սույն պայմանագրով սահմանված կարգով և պայմաններով Բանկը Ներդրողին մատուցում է ներդրումային ծառայություններ, որը ներառում է առաջնային և/կամ երկրորդային շուկաներում (կարգավորված, /«ՆԱՍԴԱՔ ՕԷՄԷՔՍ ԱՐՄԵՆԻԱ» ԲԲԸ կամ չկարգավորված) Բանկի կամ Ներդրողի անունից, սակայն Ներդրողի հաշվին արժեթղթերի ձեռք բերումը, օտարումը և արժեթղթերով այլ գործարքներ կատարելու ներդրողի հանձնարարականների և հայտերի ընդունումը և կատարումը (այսուհետ՝ Ներդրումային ծառայություններ), իսկ Ներդրողը պարտավորվում է վճարել Բանկին վարձատրություն Բանկի Սակագներով սահմանված չափով և կարգով:
- 1.2 Ներդրումային ծառայությունները մատուցվում են Բանկում Ներդրողի կողմից բացված բանկային/քարտային և արժեթղթերի դեպո հաշիվների առկայության դեպքում:

2 ՆԵՐԴՐՈՒՄԱՅԻՆ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ԿԱՐԳԸ

- 2.1 Ներդրումային ծառայությունները մատուցվում են Հայաստանի Հանրապետության օրենսդրության, ՀՀ ֆինանսների նախարարության, ՀՀ Կենտրոնական բանկի նորմատիվ-իրավական ակտերի և ««ՀԱՅԷԿՈՆՈՄԲԱՆԿ» ԲԲԸ-ում ներդրումային և ոչ հիմնական ծառայությունների մատուցման» կարգով սահմանված պահանջներին համապատասխան:
- 2.2 Ներդրողի կողմից տրված արժեթղթերով գործարքների կատարման հանձնարարականների ընդունումը և կատարումը իրականացվում է հանձնարարականներում նշված կատարման օրը: Եթե հանձնարարականների տրման և կատարման օրերը համընկնում են և հանձնարարականները ստացվել է գործառնական օրվա ընթացքում ժամը 15³⁰-ից հետո, ապա վերջիններս ենթակա են կատարման մեկ բանկային օրվա ընթացքում:
- 2.3 Բանկին արժեթղթերով գործարքների կատարման հանձնարարականները, ինչպե նաև առք ու վաճառքի հայտերը, ուղարկվում են թղթային (ստորագրված և կնքված (կնիքի առկայության դեպքում) Ներդրողի կամ նրա լիազորված անձի կողմից) կամ էլեկտրոնային եղանակով (CBANet համակարգով՝ առկայության դեպքում):

3 ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

Վարչության նախագահ-----

Ներդրող-----

3.1 Ներդրողը պարտավորվում է՝

- 3.1.1 Առաջնային տեղաբաշխման կամ հետզման աճուրդներին մասնակցելու մտադրության դեպքում, աճուրդի անցկացման օրը աճուրդի անցկացման հայտարարված ժամից առնվազն 30 րոպե առաջ Բանկին ներկայացնել հայտ սույն Պայմանագրի Հավելված 1-1-ի համաձայն:
- 3.1.2 Ապահովել դրամական միջոցների առկայությունը հայտում նշված ծավալը ապահովելու համար տեղաբաշխման աճուրդի անցկացման օրը աճուրդի անցկացման հայտարարված ժամից առնվազն 30 րոպե առաջ Բանկում առկա Ներդրողի №----- բանկային/քարտային հաշվին:
- 3.1.3 Ապահովել համապատասխան քանակությամբ արժեթղթերի առկայությունը հայտում նշված ծավալը ապահովելու համար հետզման աճուրդի անցկացման օրը աճուրդի անցկացման հայտարարված ժամից առնվազն 30 րոպե առաջ Բանկում առկա Ներդրողի №----- արժեթղթերի դեպո հաշվին:
- 3.1.4 Ներդրողը պարտավորվում է վճարել Բանկին վարձատրություն Բանկի Սակագներով սահմանված չափով և կարգով:
- 3.1.5 Երկրորդային շուկայում գործարքների իրականացման նպատակով Բանկին ներկայացնել հայտ (Հավելված 1-2) կամ առք ու վաճառքի հանձնարարական՝ նախապես ապահովելով համապատասխան գումարի կամ համապատասխան քանակությամբ արժեթղթերի առկայությունը իր բանկային/քարտային կամ դեպո հաշվին:
 - 3.1.5.1 Երկրորդային կարգավորված շուկայում /«ՆԱՍԴԱԶ ՕԷՄԷԶՍ ԱՐՄԵՆԻԱ» ԲԲԸ/ հայտի ընդունման վերջնաժամկետ է համարվում գործարքի կատարման օրը ժամը 14:20-ը:

3.2 Ներդրողը իրավասու է՝

- 3.2.1 Բանկին ներկայացնել արժեթղթերով գործարքների իրականացման հանձնարարականներ, ձեռքբերման կամ վաճառքի հայտեր:
- 3.2.2 Միակողմանիորեն լուծել պայմանագիրը առնվազն 10 օր առաջ Բանկին տեղեկացնելու պայմանով:

3.3 Բանկը պարտավորվում է՝

- 3.3.1 Ներդրողին անհապաղ տեղյակ պահել այն էական դժվարությունների կամ բացասական հանգամանքների մասին, որոնք անհնարին են դարձնում իր հանձնարարականի ճշգրիտ կատարումը:
- 3.3.2 Ներդրողին տրամադրել սույն պայմանագրի 3.1.1 և 3.1.5 կետերին համապատասխան ներկայացված հայտերի բավարարումը, մասնակի բավարարումը կամ մերժումը համաձայն (Հավելված 1-3)-ի և 2.3 կետում նշված եղանակով:
- 3.3.3 Արժեթղթերի ձեռք բերման կամ վաճառքի հայտերի մասնակի բավարարման կամ մերժման դեպքում Ներդրողին վերադարձնել դրամային միջոցները կամ արժեթղթերը վերջինիս բանկային/քարտային կամ դեպո հաշվին 1 /մեկ/ բանկային օրվա ընթացքում:
- 3.3.4 Կատարել դրամական միջոցների կամ արժեթղթերի մուտքագրումը Ներդրողի հանձնարարությամբ վաճառված կամ ձեռք բերված արժեթղթերից, Ներդրողի բանկային/քարտային կամ դեպո հաշվին, հանձնարարականը կատարելուց 1 /մեկ/ բանկային օրվա ընթացքում:
- 3.3.5 Ներդրողին տրամադրել Ներդրողի հայտերի հիման վրա Բանկի կողմից իրականացված գործարքների վերաբերյալ ողջ տեղեկատվությունը:
- 3.3.6 Ներդրողին տրամադրել կատարված գործառնությունների վերաբերյալ հաշվետվություն Ներդրողի պատվերը կատարելուց հետո անհապաղ, սակայն ոչ ուշ, քան գործարքի կատարման հաջորդ աշխատանքային օրվա ավարտը սույն պայմանագրի 7.1. կետում նշված եղանակով:
- 3.4 **Բանկը իրավասու է՝**
- 3.4.1 Մերժել Ներդրողի կողմից ներկայացված հայտը, եթե այն ներկայացվել է սույն պայմանագրի և օրենսդրության պահանջների խախտմամբ:
- 3.4.2 Ներդրումային ծառայությունների մատուցման դիմաց ստանալ Ներդրողից վարձատրություն Բանկի Սակագներով սահմանված չափով՝ գործարքի կատարման պահին դրանք անակցեպատ կարգով գանձելով Ներդրողի բանկային/քարտային հաշվի միջոցներից, իսկ միջոցների բացակայության դեպքում պահանջել դրանք Ներդրողից դատական կարգով:
- 3.4.3 Միակողմանի փոփոխել Սակագներով սահմանված Ներդրումային ծառայությունների դիմաց վարձատրության չափը և կարգը:

4 ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 4.1 Պայմանագրով ամրագրված պարտավորությունների չկատարման /թերի կատարման/ համար Կողմերը պատասխանատվություն են կրում համաձայն Հայաստանի Հանրապետության օրենսդրության և սույն Պայմանագրի:
- 4.2 Արժեթղթերի ձեռք բերման հայտի մերժման կամ մասնակի բավարարման դեպքում դրամական միջոցների չվերադարձման կամ ժամկետի խախտմամբ վերադարձման դեպքերում, Բանկը Ներդրողին վճարում է տույժ Բանկի պարտավորությունների չկատարման կամ թերի կատարման գումարից, յուրաքանչյուր օրվա համար ՀՀ Կենտրոնական Բանկի կողմից սահմանված վերաֆինանսավորման տոկոսադրույքի չափով չկատարված կամ թերի կատարված պարտավորությունների գումարից:

- 4.3 Կողմերը պատասխանատվություն չեն կրում սույն Պայմանագրով ամրագրված պարտավորությունների կատարման համար, եթե նրանց չկատարումը հետևանք էր անհաղթահարելի հանգամանքների՝ բնական աղետները /երկրաշարժ, հրդեհ, ջրհեղեղ և այլն/, պետական մարմինների սահմանափակող կամ արգելող ակտերը:
- Վերը նշված հանգամանքների առաջացման դեպքում Կողմերը պարտավոր են տեղեկացնել միմյանց թղթային եղանակով /էլեկտրոնային համակարգով/ անհաղթահարելի հանգամանքների առաջացման պահից 1 /մեկ/ բանկային օրվա ընթացքում:
- 4.4 Եթե Կողմը, որը ընդունակ չէ իրականացնել սույն Պայմանագրից բխող իր պարտավորությունները անհաղթահարելի հանգամանքների հետևանքով /սույն Պայմանագրի կետ 4.3/, նշված կարգով չի տեղեկացնում երկրորդ Կողմին, առաջացած անհաղթահարելի հանգամանքների պատճառով պարտավորությունների չկատարման վերաբերյալ, իրավասու չէ հիմնվել սույն Պայմանագրով նախատեսվող պարտավորությունների չկատարման պատասխանատվության բացակայության վրա:
- 4.5 Բանկը պատասխանատվություն չի կրում երրորդ անձանց հետ կնքված գործարքներով վերջիններիս պարտավորությունների չկատարման կամ ոչ պատշաճ կատարման հետևանքով Ներդրողին պատճառված վնասների համար:
- 4.6 Ներդրողի հանձնարարականներով երրորդ անձանց հետ կնքված գործարքների արդյունքում երրորդ անձանց կողմից Բանկին ներկայացված պահանջների հետևանքով Բանկի կրած ծախսերի և վնասների հատուցման պատասխանատվությունն ամբողջությամբ կրում է Ներդրողը, բացառությամբ եթե երրորդ անձանց պահանջների հիմք են հանդիսացել Ներդրողի հանձնարարականներին ոչ համապատասխան Բանկի կողմից Ներդրումային ծառայությունների մատուցումը:

5 ՎԵՃԵՐԻ ԼՈՒԾՈՒՄԸ

- 5.1 Սույն Պայմանագրից ծագող վեճերը լուծվում են բանակցությունների միջոցով:
- 5.2 Բանակցությունների միջոցով վեճերի և տարաձայնությունների չլուծվելու դեպքում վեճերը լուծվում են Հայաստանի Հանրապետության օրենսդրության համաձայն:

6 ՊԱՅՄԱՆԱԳՐԻ ԳՈՐԾՈՒՆԵՈՒԹՅԱՆ ԺԱՄԿԵՏԸ ԵՎ ՊԱՅՄԱՆԱԳՐԻ ԼՈՒԾՈՒՄԸ

- 6.1 Պայմանագիրը ուժի մեջ է մտնում կնքման պահից և գործում է մեկ տարի: Եթե որևէ Կողմը սույն պայմանագրի ժամկետը լրանալուց 10 օր առաջ գրավոր չի տեղեկացնում մյուս կողմին Պայմանագրի լուծման մտադրության մասին, ապա Պայմանագրի ժամկետը երկարացվում է մեկ տարով շարունակաբար:

- 6.2 Պայմանագիրը կարող է լուծվել միակողմանի առնվազն 10 օր առաջ մյուս կողմին տեղեկացնելով:
- 6.3 Եթե Պայմանագրի լուծման օրվա դրությամբ որևէ կողմ ունի մյուս կողմի նկատմամբ չկատարված պարտավորություններ, ապա պարտավոր է կատարել դրանք ամբողջությամբ լուծման օրվա կամ դրանից հետո 3 աշխատանքային օրվա ընթացքում, ինչը չկատարելու դեպքում պայմանագիրը համարվում է գործողության մեջ մինչև այդ կողմի պարտավորությունների ամբողջությամբ կատարումը:
- 6.4 Ներդրողը պարտավոր է մինչև պայմանագրի լուծման օրը Բանկին ներկայացնել արժեթղթերը այլ պահառուի մոտ հաշվառման փոխանցելու հանձնարարական:
- 6.5 Բանկը պարտավոր է պայմանագիրը լուծելուց հետո 3 աշխատանքային օրվա ընթացքում Ներդրողի հանձնարարականով արժեթղթերը և դրամական միջոցները փոխանցել Ներդրողին:
- 6.6 Ներդրողի կողմից սույն պայմանագրի 6.4 կետով սահմանված ժամկետում հանձնարարական չստանալու դեպքում արժեթղթերը և դրամական միջոցները տնօրինվում են օրենքով սահմանված կարգով:
- 6.7 Սույն Պայմանագրի բոլոր փոփոխությունները և լրացումները կատարվում են գրավոր և ստորագրվում են Կողմերի լիազոր ներկայացուցիչների կողմից:

7 ԱՅԼ ՊԱՅՄԱՆՆԵՐ

7.1 Ներդրողը համաձայն է, որ Բանկը հաշվետվությունները և օրենքով սահմանված այլ պարտադիր տեղեկատվությունը տրամադրի իրեն հետևյալ եղանակով՝

- ☐ Բանկի տարածքում _____
- ☐ Փոստով _____
- ☐ Էլեկտրոնային փոստով _____
- ☐ Այլ կապի միջոցով _____

7.2 Կողմերը պարտավորվում են պահպանել վճարային փաստաթղթերը թղթային և էլեկտրոնային տեսքով՝ 5 /հինգ/ տարի:

7.3 Սույն պայմանագրի կնքմամբ Ներդրողը հաստատում է, որ ծանոթացել է Ներդրումային ծառայությունների մատուցումը կարգավորող իրավական ակտերին, Բանկում գործող ներքին իրավական ակտերին և Սակագներիին:

7.4 Կողմերը անվերապահորեն համաձայնվում են, որ բացառությամբ սույն պայմանագրի 2.3. կետով սահմանված եղանակով հանձնարարականների և 7.1 կետով սահմանված պարտադիր տեղեկատվության տրամադրման, միմյանց ուղարկվող ցանկացած այլ տեղեկացում, պահանջ, հաղորդում կամ այլ ծանուցում (այսուհետ՝ Ծանուցում) պետք է կատարվի Կողմին առձեռն հանձնելով կամ ուղարկվի ստորև նշված Կողմի Ծանուցման եղանակներից որևէ մեկով.

Ծանուցման եղանակները	Բանկ	Ներդրող
Փոստով (պարտադիր է նշել հասցեն)		
Էլեկտրոնային փոստով (պարտադիր է նշել հասցեն)		
SMS հաղորդագրությունով (պարտադիր է նշել հեռախոսահամարը)		

7.5 Կողմերը անվերապահորեն համաձայնվում են, որ Պայմանագրի 2.3. կետով սահմանված եղանակով հանձնարարականների տրամադրումը և 7.4 կետում նշված Կողմի Ծանուցման եղանակներից որևէ մեկով կատարված Ծանուցումը հանդիսանում է տեղեկատվության փոխանցման հուսալի միջոց, իսկ Ծանուցումը համարվում է տվյալ Կողմին պատշաճ հանձնված՝ Ծանուցումը փոստով ուղարկվելու դեպքում ուղարկվելու օրվան հաջորդող 7-րդ օրվանից, իսկ մյուս եղանակների դեպքում՝ ուղարկվելու օրվան հաջորդող օրվանից: Յուրաքանչյուր Կողմ պարտավոր է մյուս կողմին գրավոր տեղեկացնել Պայմանագրի 7.4. կետում նշված իր Ծանուցման որևէ եղանակի փոփոխության մասին այն տեղի ունենալուց երեք բանկային օրվա ընթացքում, մինչև տեղեկացումը Կողմի ծանուցման եղանակով կատարված ծանուցումը համարվում է նրան պատշաճ հանձնված, իսկ տեղեկացումից հետո փոփոխված եղանակով կատարված ծանուցումն է համարվում նրան պատշաճ հանձնված:

7.6 Սույն պայմանագիրը կազմված է երկու հավասար իրավական ուժ ունեցող օրինակներից, մեկական օրինակ յուրաքանչյուր Կողմին:

8 ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ԲԱՆԿ
«ՀԱՅԷԿՈՆՈՄԲԱՆԿ» ԲԲԸ

Հասցե՝ 0002, ք. Երևան, փ. Ամիրյան 23/1
Հայաստանի Հանրապետություն
Պետական գրանցումը՝ 26 օգոստոսի 91թ.,
Գրանցման համարը՝ 0156,
Լիցենզիա՝ Բանկային գործունեության
լիցենզիա թիվ 1,
Հեռ՝ (374-10) 51-09-09,
Ֆաքս (374-10) 53-89-04,
Էլ հասցե՝ dealing@acb.am
CBANet՝
DealingCenterArmEconombank/ArmEconombank/CB
ANet,

Վարչության նախագահ

Կ.Տ.

ՆԵՐԴՐՈՂ

«_____»
ամսին, ազգանուն/անվանում

Հասցե՝
Հայաստանի Հանրապետություն
Պետական գրանցումը/Անձնագիր

Հեռ՝
Էլ. հասցե՝
CBANet՝

Գործադիր տնօրեն/Քաղաքացի

Հավելված 1-1

N _____
(Ներդրողի ծածկագիրը)

«---»-----20---թ. ժամ ---:---:---

Հ Ա Յ Տ Ն Արժեթղթերի ձեռք բերման/վաճառքի

(Ներդրողի անվանումը)

պատրաստակամություն է հայտնում առաջնային տեղաբաշխման/ հետգնման աճուրդի ժամանակ իր անունից իր հաշվին գնել /վաճառել Արժեթղթեր, հետևյալ պայմաններով.

Մ Ր Ց Ա Կ Ց Ա Յ Ի Ն

N	Արժեթղթի տարբերակիչ ծածկագիրը (ISIN)	Արժեթղթերի ծավալն անվանական արժեքով	Միավոր արժեթղթի գինը*	Արժեթղթի քանակը**	Արժեթղթերի ընդհանուր գումարը	Գործարքի արժույթի ISO կոդը	Արժեթղթերի մինչև մարում եկամտաբերություն*** (%)
1.							
2.							
3.							
4.							
5.							

Ո Չ Մ Ր Ց Ա Կ Ց Ա Յ Ի Ն

	միջին կշռված
--	--------------

Ներդրող

(անուն, ազգանուն/անվանում)

(հասցե)

դրամային/բարտային հաշիվ
դեպո արժեթղթերի հաշիվ

(ստորագրություն)

Կ. Տ.

*Պետական պարտատոմսերով գործարքի դեպքում չի լրացվում
**Պետական պարտատոմսերով գործարքի դեպքում չի լրացվում
***Բաժնետոմսերով գործարքի դեպքում չի լրացվում

Հավելված 1-2

N _____
(Ներդրողի ծածկագիրը)

«---»-----20---թ. ժամ --:--:--

Հ Ա Յ Տ Ն

Արժեթղթերի գնման (վաճառքի)

_____,
(Ներդրողի անվանումը)

պատրաստակամություն է հայտնում արժեթղթերի երկրորդային շուկայում (կարգավորված, չկարգավորված) գնել (վաճառել) Արժեթղթեր, հետևյալ պայմաններով.

N	Արժեթղթի տարբերակիչ ծածկագիրը (ISIN)	Արժեթղթերի ծավալն անվանական արժեքով	Միավոր արժեթղթի գինը*	Արժեթղթի քանակը**	Արժեթղթերի ընդհանուր գումարը	Գործարքի արժույթի ISO կոդը	Արժեթղթերի մինչև մարում եկամտաբերություն*** (%)
1.							
2.							
3.							
4.							
5.							

Հայտն ուժի մեջ է մինչև 20- թ. _____ «___»-ը ժամը --:--

Ներդրող

(անուն, ազգանուն/անվանում)

(հասցե)

դրամային/քարտային հաշիվ
արժեթղթերի դեպո հաշիվ

(ստորագրություն)

Կ. Տ.

*Պետական պարտատոմսերով գործարքի դեպքում չի լրացվում
**Պետական պարտատոմսերով գործարքի դեպքում չի լրացվում
***Բաժնետոմսերով գործարքի դեպքում չի լրացվում

Հավելված 1-3

ՀԱՅՏԻ ԲԱՎԱՐԱՐՈՒՄ (ՄԱՍՆԱԿԻ ԲԱՎԱՐԱՐՈՒՄ) ԿԱՄ ՄԵՐԺՈՒՄ

Ներկայացվում է «-----» համաձայն «__» _____20__թ. կնքված
N__ պայմանագրի:

Սույնով «ՀԱՅԷԿՈՆՈՄԲԱՆԿ» ԲԲԸ հայտնում է, որ Ձեր կողմից --,--,20—թ. ժամը --:-- ին
ներկայացված N -- հայտը բավարարվել է -----
հետևյալ ծավալներով և պայմաններով:

Մ Ր Ց Ա Կ Ց Ա Յ Ի Ն

N	Արժեթղթի տարբերակիչ ծածկագիրը (ISIN)	Արժեթղթերի ծավալն անվանական արժեքով	Միավոր արժեթղթի գինը*	Արժեթղթի քանակը**	Արժեթղթերի ընդհանուր գումարը	Գործարքի արժույթի ISO կոդը	Արժեթղթերի մինչև մարում եկամտաբերություն*** (%)
1.							
2.							
3.							
4.							
5.							

Ո Չ Մ Ր Ց Ա Կ Ց Ա Յ Ի Ն

	միջին կշռված
--	--------------

Սակագնի կիրառվող դրույքաչափի (տոկոս)	
Սակագին (դրամ)	

Վարչության նախագահ՝

Կ. Տ.

--/--/20—թ.

*Պետական պարտատոմսերով գործարքի դեպքում չի լրացվում
**Պետական պարտատոմսերով գործարքի դեպքում չի լրացվում
***Բաժնետոմսերով գործարքի դեպքում չի լրացվում